

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 20.08.2021թ. թիվ 2113258819 որոշումն անփոփոխ, իսկ վարչական բողոքն առանց բավարարման թողնելու մասին

<< 25 >> 09 2021թ. 7-13 14519

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Էլեն Արզումանյանի ՄԴ/73110-21 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Կենտրոն վարչական շրջանի Տերյան փողոցի 50 շենքի 6 բնակարանի բնակիչ Էլեն Արզումանյանը /**էլ. հասցեներ՝ e.arzumanian@mfa.am և donaelen@mail.ru/** դիմումով խնդրել է բեկանել Ճանապարհային ոստիկանության վարչական տույժ նշանակելու մասին 20.08.2021թ. թիվ 2113258819 որոշումը՝ նշելով, որ դեղին հոծ գիծ գծանշմանը զուգահեռ առկա է նաև վճարովի կայանատեղիի համար նախատեսված կարմիր գծանշումներ: Միաժամանակ Էլենտրոնայի հաղորդագրության միջոցով դիմումատուն հայտնել է, որ դեղին հոծ գիծ գծանշումը չի նկատել իրավախախտումն արձանագրած վայրում օրվա ուշ ժամին կանգառ կատարելու, ինչպես նաև նշված վայրում այլ տրանսպորտային միջոցների կայանման պատճառով:

Դիմումի քննարկման արդյունքում պարզվել է, որ դիմումատուի փաստարկը չի կարող վարչական ակտը բեկանելու հիմք հանդիսանալ հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած **տեսանյութն է կամ լուսանկարը**, որը պարունակում է նաև տեխնիկական միջոցով արձանագրված տվյալները: Նույն հոդվածի 2-րդ մասի համաձայն, որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

Վարչական իրավախախտումների վերաբերյալ ՀՀ օրենսգրքի 251-րդ հոդվածի 1-ին մասի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ: Ըստ նույն հոդվածի 2-րդ մասի՝ այդ տվյալները հաստատվում են հետևյալ միջոցներով՝ վարչական իրավախախտման վերաբերյալ արձանագրությամբ, վարչական պատասխանատվության ենթարկվող անձի բացատրություններով, տուժողի, վկաների ցուցմունքներով, փորձագետի եզրակացությամբ, իրեղեն ապացույցներով, իրեր և փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով:

Ճանապարհային ոստիկանության ճանապարհային երթևեկության կազմակերպման հսկողության բաժնի կողմից տրված տեղեկանքի համաձայն՝ Երևան քաղաքի Աբովյան-Մոսկովյան փողոցների խաչմերուկում՝ իրավախախտումն արձանագրված վայրում առկա է 1.4 դեղին հոծ գծանշում, որը 03.08.2021թ. դրությամբ եղել է տեսանելի երթևեկության մասնակիցներին: Միաժամանակ տեղեկացվել է, որ իրավախախտումն արձանագրած վայրում կարմիր գծանշումներ չեն եղել:

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ. թիվ 955-Ն որոշման համաձայն 1.4՝ դեղին հոծ գիծը, ցույց է տալիս այն տեղերը, **որտեղ կանգառը և կայանումը արգելվում է:** Կիրառվում է ինքնուրույն կամ 3.27՝ <<Կանգառն արգելվում է>> ճանապարհային նշանի հետ:

Վարչական վարույթի ընթացքում հիմնավորվել է, որ 03.08.2021թ. ժամը 21:50-ին դիմումատուն Երևան քաղաքի Մոսկովյան - Աբովյան փողոցների խաչմերուկի հատվածում կանգառ է կատարել 1.4՝ դեղին հոծ գիծ գծանշման ազդման գոտում, հետևաբար՝ թույլ է տվել Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասով սահմանված արարք:

Միաժամանակ անհրաժեշտ է նշել, որ 1.4՝ դեղին հոծ գիծ գծանշման պահանջը խախտելու համար արարքը նվազ նշանակություն ունեցող գնահատելու կարգ սահմանված չէ (դիտավորություն, անզգուշություն և այլն):

Այսպիսով՝ հիմնավորվել է, որ Ճանապարհային ոստիկանության վարչական տույժ նշանակելու մասին վերը նշված որոշումն իրավաչափ է և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 20.08.2021թ. թիվ 2113258819 որոշումը թողնել անփոփոխ, իսկ վարչական բողոքն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում.
3. Սույն որոշման օրինակն ուղարկել էլեն Արզումանյանին:



Ե. Կարապետյան